

LEFELA SEKOLOTO SA MOTŠHELO SEO SE ŠALETŠEGO MORAGO PELE GA 29 MATŠHE GO EFOGA DIKOTLO LE DITSWALA

PRETORIA, Labone, 7 Matšhe 2019 – Balefela motšhelo ba šaletšwe fela ke matsatši a 22 a go lefela sekoloto seo se šaletšego morago pele ga Labohlano la 29 Matšhe go efoqa dikotlo le ditswana. Dipušetšo tša motšhelo tše di šaletšego morago di swanetše go romelwa ka potlako.

Balefela motšhelo ba eletšwa le go tlhohleletšwa go dira se se swanetšego, ka tsela ya maleba gape ka nako go gonthiša gore dikoloto tša bona ka moka di lefetšwe pele ga letšatši la mafelelo, ke gore ka Labohlano la 29 Matšhe, gomme dipušetšo ka moka tša motšhelo tše di šaletšego morago di faelwa gona bjale.

Balefela motšhelo ba lemošwa gore tla be go na le sephethephethe se se golo go dinetweke gomme ba kgopelwa go dira ditefelo mesong pele ga 12:00 ka la 29 Matšhe go efoqa kgonagalo ya go diega ga netweke, kudu bakeng sa tše di latelago:

- Dithomelo tša VAT le Ditefelo
- Ditefelo tša makgetho a Metšhelophahlogae
- Ditefelo tša motšhelo wa Sebakanyana wa CIT
- Dipeakanyo tša tefelo tša gabjale tše o di dirilego le ba taolo ya sekoloto ya SARS

Ge eba o na le pelaelo mabapi le palo yeo o e kolotago, ka fao o ka dirago tefelo, gore o ka dira eng ge o ka palelwa ke go lefela palo ka moka ka nakwana goba ge eba o nyaka go dira dipeakanyo tša tefelo goba ga o dumelane le palo ya tšhelete yeo o e kolotago, ka kgopelo o ka ikgokaganya le SARS ka potlako go 0800 00 7277.

Gopola, ke tlolo ya molao go se romele pušetšo ya motšhelo ge e hlokega, gape magato a semolao a tla tšewa kgaatlhanong le wena ge o sa lefele motšhelo wo o kolotwago go SARS.

Go na le dithulusi tše mmalwa tša go koleka tše di hwetšagalago go SARS bakeng sa go tiišetša tefelo ya motšhelo gomme di akaretša:

- Go koleka sekoloto go setheo seo se swarago tšhelete legatong la gago ka go [Thwala Leloko la Boraro](#) ke gore mongmošomo, panka goba moreki.
- Go tlhagiša kahlolo le go ngwala leina la gago dipukung tša batho ba go kolota
- Go tlhoma le go rekiša dithoto tša gago.
- Go hwetša otara ya molao ya go boloka dithoto tša gago
- Ge eba o na le dithoto moša mawatle, otara ya molao e ka hwetšwa ya gapeletša gore dithoto di tlišwe ka Afrika Borwa gomme ka nako yeo ditokelo tša gago tša go gweba goba go sepela di ka emišwa.
- Go likwiteita goba go amoga Bohwa bja gago.

Ge eba o itemogela mathata re go hlohleletša gore o ikgokaganye le rena go efoqa magato ao a hlalositšwego ka godimo gore a se tšewe kgaatlhanong le wena.

Dintlha tše bohlokwa tša kgokaganyo:

- SARS Contact Centre: 0800 00 7277
- Ditiragalo tša motšhelo tša go belaetša le mogala wa mahala wa go bega bomenetša: 0800 00 2870
- Dipego tša ditiragalo tša go belaetša go inthanete di hwetšagala go: www.sarsefiling.co.za.